



Hoërskool McLachlan

Posbus 3
Joubertina
6410



042-273-1335
042-273-1210
info@hsmclachlan.co.za
www.hsmclachlan.co.za

NUUSBRIEF 08/10 2020

Geagte Ouers/Voogde

1. **Sluit van skool:**

As gevolg van die risiko van hoë infeksiegevalle in die Langkloof sal die skool gesluit wees vanaf Vrydag, 9 Oktober, tot Vrydag, 16 Oktober. Die skool sal weer op Maandag, 19 Oktober, open.

Alle toetse wat gedurende week 12 – 16 Oktober geskryf sou word, word nou in die week van 19 – 23 Oktober geskryf. Die rooster van 12 – 16 Oktober word dus vanaf 19 – 23 Oktober gevolg.

Die rooster vir die week is dus as volg:

19 Oktober - Dag 6A
20 Oktober - Dag 6B
21 Oktober - Dag 7A
22 Oktober - Dag 7B
23 Oktober - Dag 10A

2. **Afwesighede van leerders:**

Ek wil dit onder u aandag bring dat indien 'n leerder afwesig is met die skryf van 'n toets of assesseringstaak is die volgende reëls geldend:

- Leerders wat afwesig is met verskoning, kry -1 vir die toets of assessering en die leerder word nie benadeel nie. Verskonings moet verkieslik skriftelik wees. Indien ouers gedurende die covid-tydperk telefonies verskoning by die betrokke onderwyser of skoolsekretaresse gemaak het, is dit ook aanvaarbaar. Vanaf Maandag, 19 Oktober, sal slegs skriftelike verskonings aanvaar word.
- Leerders wat afwesig is sonder verskoning kry 'n nul(0) vir die betrokke assessering/toets.

3. **Skoolkalender – 2021:**

Die datums vir die 2021-skoolkalender is as volg:

Kwartaal 1: 27 Januarie - 31 Maart
Kwartaal 2: 13 April - 25 Junie
Kwartaal 3: 13 Julie - 23 September
Kwartaal 4: 5 Oktober - 8 Desember

4. **Covid-19:**

Prosedure voor skool:

Die skool se hekke word elke oggend om 07:30 oopgesluit en word weer om **07:55** gesluit. Leerders wat na 08:00 by die skool opdaag, moet by die sekretaresse aanmeld.

Die volgende reëls moet asseblief vir almal se veiligheid nagekom word:

- Leerders moet by die hekke wag totdat dit oopgesluit word.



- **Handhaaf asseblief die vereiste 1,5 m sosiale afstand** aan die buitekant van die hekke.
- Leerders moet asseblief nie dorp toe of na vriende se huise toe gaan nadat hulle by die skool afgelaai is nie.
- Die dra van 'n masker (mond en neus bedek) is verpligtend wanneer leerders buite die hekke wag.
- **GEEN LEERDER SAL TOEGELAAT WORD OM DIE SKOOL SONDER 'N MASKER TE BETREE NIE.**
- **LEERDERS WAT MET TAXI'S SKOOL TOE VERVOER WORD, MÓÉT HUL MASKER TYDENS DIE RIT DRA.**
- **LEERDERS WAT HUL MASKERS VERGEET HET, KAN 'N WEGGOOIBARE MASKER BY DIE SKOOL TEEN R10 KOOP.**

Geen persoon anders as leerders en beamptes (personeel) mag die skoolterrein betree sonder vooraf toestemming van die skoolhoof nie. Ouers moet asseblief die sekretaresse kontak vir 'n afspraak met die skoolhoof en personeel.

Ouers moet asseblief seker maak dat kinders met die regte maskers skool toe kom. Geen leerder sal op die skoolterrein toegelaat word sonder 'n masker nie. Skoolmaskers is teen R15 by Spektrum te koop.

Alle leerders wat van Hoërskool McLachlan en die Departement van Onderwys se busvervoerdiens gebruik maak, moet op die bus 'n masker dra.

'n Leerder moet tuis bly indien hy/sy enige van die volgende simptome toon:

- Koors
- Hoes
- Rooi oë
- Asemhalingsprobleme
- Liggaamspyn
- Moegheid of swakheid
- Verlies aan reuk en smaak
- Naarheid
- Braking

Ouers moet die skool dadelik hiervan in kennis stel en 'n kliniek- of doktersertifikaat skool toe stuur.

5. **Grannor Passi-projek:**

Hoërskool McLachlan loods weer in 2020 die Granor Passi-projek. Langkloofprodusente kan vrugte by die sapfabriek onder Hoërskool McLachlan se naam lewer. Die nommer waaronder u dit moet lewer, is **019**. Hierdie is 'n geleentheid vir die boerderygemeenskap om die skool te ondersteun. Ons skool het baie finansiële uitdagings en weet met hierdie projek sal u 'n groot verskil kan maak. Die inkomste van die projek sal direk deur Granor Passi in McLachlan se rekening inbetaal word.

Ons moedig produsente aan om aan hierdie projek deel te neem en sodoende 'n verskil te maak aan ons kinders se toekoms by Hoërskool McLachlan. Die skool is die hart van die gemeenskap en met u bydrae sal ons sy voortbestaan kan verseker.

S. Pienaar

S. PIENAAR

Waarnemende Skoolhoof: Hoërskool McLachlan



McLachlan Internet Fasiliteit Borg